



KOMUNIKADO PA PRENSA

Fecha *Account Manager* *Email* *Nr.*
20 di febrüari 2014 **Jhanirha Anita** jhanirha.anita@gobiernu.cw

MINISTER BALBORDA TA ANUNSIÁ KU TA SIGUI KU KITAMENTU DI KUSINCHINAN

Willemstad – Minister Balborda ta informá komunidad ku Servisio pa Obra Públiko ta sigui ku e trabounan di kita kusunchinan for di riba vários karetera di Kòrsou segun e maneho stipulá. Ta bai kita un total di mas o ménos 350 kusunchi. Algun di e kareteranan for di kua ta bai kita 1 òf mas kusunchi ta: Kaya Muizenberg, Diamantweg, Dein, Marie Galanteweg, Tortolaweg, Santa Cruz, Spaarnestraat, Kaya Gilbert Doran, Lyraweg, Skèrpènè, i Kaminda Aquamarine.

Servisio pa Obra Públiko ta e instansia di Gobièrnu outorisá pa kita kusunchi riba kareteranan di Kòrsou. Ta pone e kusunchinan aki pa alsa seguridat den tráfiko, mirando ku usuarionan di e karetera, kaminda tin kusunchi butá, mester baha nan velosidat na momentu ku nan enkontrá un kusunchi riba e karetera. Tin diferente medida, pa loke ta infrastrukutura, ku por tuma pa garantisá un tráfiko mas sigur. Kusunchi ta un di esakinan.

Pa garantisá seguridat di usuarionan di e karetera, no ta kita e kusunchinan aki for di kualke sitio i òf for di tur karetera. Servisio pa Obra Públiko a analisá e situashon promé ku kita e kusunchinan. E análistis aki a wòrdu hasi segun un maneho.

E maneho aki ta enserá entre otro ku riba kareteranan prinsipal ('hoofdwegen') no ta pone kusunchi. Parti di e maneho ta tambe ku banda di skolnan, misa, terenonan deportivo i kaminda ku muchanan ta trafiká, ta buta medidanan ta kalma tráfiko. Ta pone kusunchi solamente riba kareteranan ku ta konektá barío ku barío i ku ta wòrdu usa dor di vehíkulonon di emergensia i di transporte públiko.

Na 2013 Minister Balborda a tuma nota di e gran kantidat di kusunchinan ku a keda buta rònt Kòrsou. Esakinan a lanta hopi konsternashon mirando ku no por splika dikun a pone masha hopi kusunchi riba sierto karetera. Esaki mes ta e motibu ku Minister Balborda a laga SOAB hasi un investigashon den Servisio pa Obra Públiko. E resultadonan di esaki ta konosí i ta trahando riba nan.

Minister Balborda ta gradisí tur usuario di nos kareteranan pa nan kompreshon i koperashon durante ehekushon di e trabounan aki. Minister ta hasi un apelasion tambe na tur outomobilista pa manehá ku koutela riba e kareteranan aki pa asina garantisá seguridat di tur usuario i tambe di e trahadónan.